

**IOANNI PADUANII  
VERONENSIS OPUS  
DE STELLIS  
CRINITIS. DEQUE  
EARUM VARIIS...**


---

Giovanni Padovani



ION ANNIS  
P ADV A M I I  
VERONENSIS  
OF BASTILL  
G E N I S

GEORGE F. LAMME M. A. 1815  
Fugate River, New Mexico, 1815  
Fugate River, New Mexico, 1815  
Fugate River, New Mexico, 1815  
Fugate River, New Mexico, 1815



ca. 1815

THE UNIVERSITY OF CHICAGO  
LIBRARY  
CHICAGO, ILL. 60637

ILLVSTRI, A<sup>12</sup>C  
REVERENDISS. DOMINO

D. Augustino Valerio Veronæ  
episcopo.

Ioannes Paduanus ei deditissimus S. D.



Onuisti me non ita pridem, optime An-  
tistes, nescio iocune, an serio subridens,  
ut de stella crinita, quæ non sine ingenti  
uulgi admiratione per bimestre, & eo  
amplius spacium in calce anni superioris atque huius  
etiam in quo nunc sumus initio continenter ardere uisa  
est, aliquid ipse quoque conscriberem. Ego uero qui pro  
eo quanti apud me tua semper authoritas fuit, meritoque  
propter eximia tua in me merita esse debet quosuis uel mi-  
nimos nutus tuos summi imperij loco habeo, hanc licet sa-  
tis mihi quidem arduam, ac per difficilem prouinciam  
aggredi confestim non dubitauim. Itaque omnibus omnium  
quos potui nancisci scriptorum tam ueterum, quam nouo-  
rum monumentis unde ad id quod pararem adiumenti  
aliquid mihi sperarem afferri posse magno studio con-  
quisitis, ac solerter etiam excussis, meoque ad eorum sen-  
tentias adhibito iudicio, opusculum hoc oratione pede-  
stri quod ad alliciendas ad eius lectionem & tuas, &  
aliorum laudes aptior ea uidebatur futura, confeci, idq;

A ij in



in duas partes diuisi: in quarum priore generatim originem, naturam, significationesque omnium huius generis Stellarum heroico carmine explicauit, atque indicia præterea quædam adieci: quæ si quis attentè animaduertere uoluerit, facile opinor intelliget, quum se in posterum aliquæ tales ostenderint, quid pro diuerso scilicet singularum habitu earum unaquæque portendat. In posteriore uerò elegis exposui quidnam ea nominatim sibi uelit, de qua supra dictum est, quæue eæ sint orbis regiones, in quibus potissimum suo tempore effectura sit quæ paulatim uisa est, denunciare. Hoc autem, qualecunque est, tibi utpotè præcipuo quodammodo eius auctori inscribere libitum est, ut una cum cæteris, diuerso licet argumento, aliàs scriptis à me tibiq; similiter inscriptis, ac fortasse etiam post hac inscribendis libellis testimonio esset apud eos, in quorum manus perueniret, non quidem exquisitæ ullius meæ doctrinæ, quàm certè mihi, nunquam in unguè uè dicaui: sed per grati animi, pròptissimiq; erga amplitudinem tuam obsequij. Tuæ uerò (ni fallor) partes fuerint summa mihi obseruantia, collende Antistes, huiusmodi fœtum, uolente te, natum, ut uerè tuum agnoscere, nec ullo modo uelle aspernari, quin hilarè potius amplecti, atq; aduersus procaces maleuolorum linguas, si quæ fortè in eum tales extiterint, solito tuo patrocinio gnauiter tueri, atque defendere.

DE

123

# DE STELLIS CRINITIS,

ET PRIMO DE EA QVAE COEPIT SE  
OSTENDERE CIRCA NONVM DIEM NOVEMBRIS.

*Anno Domini 1577. in principio noctis à parte venti Africi  
in prima facie Capricorni cum latitudine Septentrionali  
graduum quatuor plus minus, duravitque vsque  
ad decimum Ianuarii anni 1578.*

*Eius autem longitudinem in prima apparitione  
fuisse ferunt 26. graduum.*

## CAPVT PRIMVM,



*Ille & quingentis septem ac decies quoq; septem  
Natali à Christi Domini uoluentibus annis  
Nona ipsa mensis nigranti nocte Nouembris  
Occidua primum cœli in regione serena,  
Crinitam populi stellam uidere maligno  
Spargentem latè radios pallore minaces.  
Ipse locum, cursumque eius, moresque notauī:  
Et primum inuenta est præcisè unde Africus efflat.  
Cauda ardens longo tractu uergebat ad ortum,  
Lata nimisque fuit cœli per inane uagando,  
Sunt solitæ tenues agitante ut flamine uestes.  
Quum primum ergo oculos ad cœlum attollere cœpi,  
Atque hæc per tenebras noctis miracula uidi,  
Expauī*

Expauit extemplo subitusque per ossa cucurrit  
Ima tremor, gelidisque mihi nox faucibus hæsit,  
Me miserum dixi, dirus mala multa minatur  
In toto hoc miserris mortalibus orbe cometa.  
Quippe glomos illum, uelut ex fornace uomentem  
Vidi, perque polum uarias discurrere flammæ.  
Æræ perque amplum crebras uolitare fauillas  
Dum peragrat, cursum solerti indagine seruo.  
Illius & uideo motus hunc seruare triformes.  
Quemlibet istorum rursus studiosus adæque  
Obseruo, atque instar primi procumbit in undas  
Mobilis occiduas, linquens post terga, caducas  
Sintillas, cauda cœlum lustrante serenum.  
Alterum item motum, sed contra omnino priorem  
Deprendo, obsequitur signis, sensimque rotando  
Ortum uersus abit: siquidem propè perfecit omni  
Luce gradus ternos, uerum & quandoque quaternos.  
Ultimus ad boream est motus, post æquidiale  
Per Iouis armigerum transit septemque triones  
Et rigidos Cymbros petit, & borealia regna.  
Tres igitur uisus motus est habuisse cometa hic,  
Dum uagus in uasto passim spatietur Olympo:  
Durauit que dies per sexaginta duosque:  
Nam decimo demum defecit lumine Iani.



De materia cometæ, & quomodo generetur. . . Cap. 2.

**Q**uæritur hic lampas cuius sit materiei,  
Terrestres, dicunt, qui exhalāt esse uaporem.  
Et condensantur iouis in regione superna.  
Mittit eò radios dum Sol ardere uidentur.  
**S**UNT aliqui deinceps qui credunt urere uerè  
Ipsam materiam: nam quum exhalatio tangit  
Aethereos ignes, extemplo accenditur ipsa,  
Donec in extremos cineres sit tota redacta.  
Nonnulli ex rapido cursu hoc existere credunt.  
Nam celeri motu paulatim accenditur ignis,  
Flāmaque ab assidua cœli uertigine longos  
Demittit radios, barbam post terga relinquens.  
Ut si quis faculam accensam gestaret, eundo  
Funderet hæc radios retrò per inane fluentes.  
**E**ST etiam quum stella facit de errantibus una hoc,  
Exiguum quiddam secum lentoris habentem  
Ad sese sibi subiectum è regione uaporem  
Dum trahit, & subito is radijs contactus ab eius  
Aridus insolitas extemplo concipit ignes,  
Diraque mox de se per cœlum incendia fundens  
Et facie ferus horribili, caudæque tremendis  
Verberibus, reges, & latas concutit urbes.

VT.

**ITQVE** sepulcretis noctis quandoque uidemus  
Per tenebras ignem tristem, flammâsq; micantes,  
Et uapor est qui exhalat humo, tetrisk; sepulcris  
Rancida dum fiunt tumalata cadauera, deinceps  
Vertitur in flammam, uibrans mittitq; pauorem,  
(Phantasma aut dæmon nã interdum creditur esse)  
Nec uerè est ignis, uapor at per inane coruscans:  
Sic fit materia hæc quam dicunt esse cometam.  
Namque cadaueribus crebris fætentibus ille  
Qui uapor exhalat, sursum in regione superna  
Aëris ardescit, labè & purgatus ab omni,  
Syderis efficitur similis, noctuq; nitescit.  
De cometis à septem planetis prouenientibus, &  
de eorum significationibus. Cap. 3.

**ET** quoniam à septē de errantibus aut generatur,  
Aut subsunt illis, ut natura indicat eius:  
Nunc ideo species, naturam, uimq; cometæ  
Insinuabo, breui teque id sermone docebo.  
**EST** ueru eorum primus, Coenaculumque secundus:  
Pertica, Miles, a stonæ Dominusq; uocatur  
Quintus, sed sextus trahit à sibi tempore nomen  
Consimili, nam Aurora aut Matutina uocatur:  
Septimus argentum, octauus Rosa, deniq; Furius.  
Quattuor è quæis quos numerauimus ordine primi



Ab reliquis nullo stellis discrimine distant: 125  
Atque omnes pariter crudelia bella minantur  
Terroresq; luesq; famem, & genus omne malorum  
Exque colore autem poteris mala uaticinari,  
Atque ex natura signi sub quo reperitur  
Quum primū apparet: nec pars quoq; te illa latebit  
Orbis ubi metuenda mala, & quo tempore fiant,  
SI quis in eoa se ostendet parte cometes,  
Aut etiam arctoa, uersusque uagauerit austrum,  
Quæ mala promittet, celeri pede tunc properabunt  
Occiduas sed si ad cœli properauerit oras,  
Hos tardè afflatus gustabunt Regna malignos,

De significationibus singulorum cometarum iuxta  
Arabum interpretationes. Cap. 4.

**E**Rgo uerū aspectu horrendum cū sole uagatur  
Seu iuxta solem, qui quando apparet, obsess  
Fructibus arboreis assolet, & gramina læta  
Denegat, & fruges, miseris alimenta colonis  
Expectata diu: mutat quoque regna: tyrannis  
Atque uiris altæ est infensus progeniei.

**COENACLVM** uires præse fert atque colorem  
Martis, habens radium similem fumo, cinerique.  
Hoc genus ostenti quamuis præsagiat arctam  
Annonam, miti tamen hoc moderamine fiet,

B Hoc

Hoc genus humanum percat ne funditus omne.  
Hoc terris etiam crudelia prælia monstrat.  
Quidam etiam insurgent præter spem religiosi,  
Qui se intromittent, quamuis concessa facultas  
Non sit eis: uerum hi modicū (mibi crede) ualebūt,  
**P**ERTICA hætradiū crassū, ac si post traheret se  
Perticam: & ipse parū splendoris cōtinet in se.  
Hic pluuiam prohibet, siccatur fontesque, lacusque,  
Et tellus fruges negat infœcunda colonis.  
Atamen effectus uariat prout consociatur.  
Nam si Saturno fuerit coniunctus: ad orcum  
Grandæuos mittet, iudæos, agricolasque,  
Insuper antiquos infestans religiosos.  
Cum Ioue si fuerit iunctus, tunc regibus affert  
Talia, coniuncti qualis natura planetæ est:  
Semper amicus erit fortunatus: secus hostis.  
Si Martis socius fuerit pariterque feratur  
Per cœlum: heu miseram fœdabit sanguine terram,  
Et strages dabit horrendas, magnasque ruinas  
In populis, & subiectis regionibus ipsis  
Damna, fugas, cædes, incendia, furta, rapinas:  
Talem nam Martis naturam nouimus esse.  
Si Veneri iunctus, nubes pluuiasque negabit,  
Arescent fontes, arescent stagna, lacusque,  
Fossarum in summo cantabunt margine ranæ,  
Omnes inque sua flaccescent arbore frondes.  
Mer-

Mercurij uero stellæ si concomitetur :

126

Tum iuuenes timeant mortem, scribæ, & sapientes,

Naturæ qui scrutantur secreta parentis,

Et leges tractant, & plebi iura ministrant.

Lunaque dat causas populares, atque tumultus,

Ei rixas inter famulos, famulas, gerulosque,

Quæque ministerijs se in uilibus exercentes

Personæ uiles sectantur uile lucellum.

**MILES** est Veneris naturæ, magnus, & instar

Lunæ falcatus, radios fundit per inane

Post se: Zodiaci discurret per duodena

Signa, quoad fuerit reliquum quid materiei.

Hic quoque principibus, magnatibus, atq; tetrarchis

Absiduas offert curas, uariosque labores:

Suscitat & quosdam, qui iura uolent renouare,

Et populi leges, sanctosque euertere ritus :

Ex hoc expectandum etiam quod tempore paruo

Iusta Dei in sæuos bacchabitur ira tyranos.

**ASCONE** dominus sequitur uim Mercurialem.

Cæculus est, paruus, caudaque exurgit in altum

Ut geminas alas iungitque cacumina in unum

Ambarum. Clades hic portendit quoque regnis.

Cauda exterminij loca communstrabit, & urbes,

Quas super, intentum minitans direxerit arcum.

**MATVTINE** aut Auroræ color est rubicundus

Hic habet ingentem caudam, at dicta ante minor erit

B ij Qui.



Qui si cœus erit, teneat caudamque remissam,  
Bella, lues, ignes, Chaldæis sunt metuenda,  
Ægyptus siccos fontes spectabit, & amnes:  
Et nili crocodilus bians cernetur in undis.

**ARGENTVM** argenti superat candore colorē.  
Naturæ Iouis est: qui quum primum uideatur,  
Atque Iouem pisces, Cancer ue moretur: ibi tum  
Largas fundet humus fruges, nec uota coloni  
Irrita erunt, quoniam ingentes teret arca messes.  
Tum lætæ pecudes uber tim gramina carpent.  
Verum si infortunatus sit Iuppiter, ægre  
Expectata dabit bona, quæ promiserat ante.

**EST** Rosa, magna, rosæ similis, facieque rotunda,  
Aureus argento color est commixtus in illo,  
Effigies hominis quandoque uidetur in ipso.  
Regibus hic mortem præfagit diuitibusque:  
Antiquasque nouat leges, mutatque regentes.

**SATVRNI** Niger est, color ut facile indicat eius:  
Qui quū apparuerit, semper portendit in illis  
Partibus obiectis ipsi, per tristia fata.  
Nam quandoque dabunt fontes cum sanguine poenas,  
Aut aliqui laqueis mortem experientur amaram.

## APPENDIX.

Et quoniam satis iam dixi capite 2. de uarijs horum opi-  
nionibus quomodo cometæ seu crinitæ stellæ generē-  
tur,

122  
tur, cupiensque lectori plenius satisfacere, libuit mihi  
etiam subijcere nomina eorum qui in hac materia di-  
uersimode opinati sunt, prout Plutarchus in quodam  
suo opusculo recensuit his uerbis.

Plutarchi Chæronæi de crinitis, & emicantibus,  
& trabibus, & alijs id genus.

**P**ythagoreorum quidam, crinitam dixerunt stel-  
lam esse ex eorum numero quæ in cœlo comparêt,  
neutiquam assidue, sed quæ statis temporibus ambitu  
certo paracto, exoriri denuo solent. Alij obtutus  
nostri repercussum ad solem, specularibus simillimè  
speciebus.

Anaxagoras, Democritusq; duarum aut plurium stel-  
larum inuicem se illustrantium. Aristoteles, ignitã  
siccæ exhalationis concretionem, Strato, syderis lumẽ  
densa nube obtetum, quomodo et in facibus fit. Hera-  
clitus Ponticus, præ altam nubem putat ab lumine su-  
pero illustratam. Hic causam affert pogoniæ, id est  
barbatæ, arcæque, et trabis, & columnæ, & huius-  
modi, quomodo sanè & omnes Peripatetici. Hæc  
enim propter nubis configurationes fieri. Epigenes,  
spiritum terreni quid habentem sublime ferri, inbiq;  
ignescere. Boethus, liquatum aerem huiusmodi speciẽ  
præbere. Diogenes, crinitas stellas re uera esse.

Ana-

*Anaxagoras, micantes, quæ dicuntur ab æthere  
scintillarum instar delabi: ideoq; continuo extingui,  
Metrodorus, Solem uolentius in nubes ingerentē scin-  
tillare. Xenophanes, hoc genus omnia ignitarū glo-  
meramenta nubium, aut uibramenta esse.*

## DE COMETIS PER

*duodecim signa Zodiaci secundum*

*Leupoldum.*

**C**ometa si apparuerit in æquinoctio Arietis,  
significat detrimentum regni Babylonie, &  
bella inter græcos & barbaros: & inter Italos &  
Alexandrinos, infortunium Romanorum, siccitatē  
magnam, & dolores oculorum, & mortem boum, &  
descensum nobilium, & eleuationem infirmorum, &  
multas mineras auri & argenti cum magno calore in  
æstate: & q̄ religiosi debeāt se intromittere de facili  
multis illicitis. Et si apparuerit in oriente, cadet odiū  
inter Persas & alios: & obedient Regi Babylonie  
plures regiones. Si in occidente, magnates malum ha-  
bebunt a regibus, & cædem in occidente, & pluuias  
multas, inundationes fluminum, & niues.

**C**ometa si apparuerit in Tauro, erunt guerræ & ru-  
mores terribiles in terris Romanorum & Babylo-  
nie, ægritudines uehementes cum annona pauca. Et

*in-*



128  
incurrent ciues Italiæ infortunium, & erunt in captiuitate & oppressione, & mortalitate, uigebuntque multi dolores sicci, ut scabies & pruritus, & mors bouum, & abscisio uiarum, & desolabitur quædam pars per terræ motum, & erit frigus uehemens, & corruptio messium, cū casu fructuum arborum, & paucitate culturæ & plantationū. Et si in Oriente apparuerit, Rex timebit de inimicis suis; & cadent bubones in homines, & durabit hec annis consequentibus, & ægritudines multæ in quarta æstiuæ. Et si in occidente, significat pluuias multas.

II Cometa si apparuerit in Geminis, Rex Romanorum habebit angustias & infortunia, quæ aduenient Regi Aegypti; quæ inducent ei mortem. Et regnabit post ipsum fur, qui non erit de Aegyptijs: & erunt ægritudines, & mortalitates, & fames, & mors puerorum, & abortus prægnantium, & mors auium, & tonitrua magna, & coruscatio, & uenenosa cōburctia fructus. Et si in Oriente apparuerit, multi magnates cadent ab ordinibus suis. Si in occidente, multā captiuitatē, & pluuias multas, & inundationes significat.  
& Cometa si apparuerit in Cancro, significat bella, & multam mortem, & multa mala & submersionem, & mortem subitanæam quorundam: multas pluuias, & paucos pisces.

Et si apparuerit in oriente, erunt angustie & uilitas

annonæ in fine anni. Si in occidente, rixam significat  
inter reges, & post hoc pacem.

2 Cometa si apparuerit in Leone. significat pugnam  
inter reges in fine anni, & multam effusionem sangui-  
nis in Oriente, & mortem quorundam nobilium, & stragum  
riam, & dolorem oculorum, ægritudinem luminum, & rabie  
canum. Et si in Oriente apparuerit, significat multas con-  
tentiones, & siccitatem. In Occidente uero, ægritudi-  
nes multas, & fortitudinem luminum, & rabiem canum.  
Cometa in Virgine, significat uilipensionem merca-  
tarum cum iniuria, & multos dolores febrium, & tre-  
mores, & uentositatem mulierum, & ulcera, & pustu-  
las, & abortum prægnantium. Et si fuerit apparet in  
Oriente, & sol in Virgine, significat pugnam, quæ ue-  
niet ciuibus Persiæ, Albanorum, & eas uincet, &  
cadere dissidium inter eos. Si fuerit à parte Occiden-  
tis, significat pugnam, quæ adueniet ciuibus Babylo-  
niæ cum multitudine fructuum.

3 Cometa in Libra, significat asperitatem Regis Ba-  
byloniæ, & uehementiam suæ iniustitiæ, & mortem Re-  
gis occidentis, & multorum mortem principum & nobilium,  
& effusionem sanguinum, & mortalitatem, & abscisionem  
mercium cum paucitate pluuiarum, & multa serenitate,  
& ualiditate uentorum, & siccitate fluminum, & destru-  
ctione fructuum. Quod si apparuerit in Oriente, signi-  
ficat multa infortunia Regi Babylonie aduenire,  
& casum

et casum bubonis in eis: appreciabuntur equi et camelum cum guerris aduenientibus in terra Romanorum. et se interficere adinuicem, et consequentur ciues Almauzil nocumentum. Si uero apparuerit ex parte Occidentis, significat ciues Alhauez nocumētū in ferre et debellare ciues Babylonie, et mortē eorū, et quorūdā regū, et facere seruos contrarios dominis suis, et parū obedire eis, cū mediocritate fructuū.

m Cometa in Scorpione significat dolorē testiculorū, uescicæ, et costarū, et rixā regū, et malū nimīū parturientiū, et multas pluuias nocinas, et destructionē fructuum per gelu, et tenebrositatē aeris: et paucitatem aquarū et desiccationē fluminū, et horribilitatem pisciū. Quod si apparuerit in parte Orientis, erit salus Babylonicis, et mors pauca, et durabit illud annis sex et rabies luporum, et canū inualescet. Et si apparuerit in occidente erūt locustæ, sed parum nocebunt.

➤ Cometa in Sagittario, significat uehementiā Regis, super plebē, et desiderīū cōgregādi pecuniā, et mortē quorūdā nobiliū: et uehementiā caloris, et paucitatem fructus palmarum. Si fuerit apparitio ex parte orientis, significat mortem Regum, et pugnam, et latrocinia, et paucos redditus hæreditatum, et fructuū.



et multa infortunia in Occidēte, et Regi ibidē, et  
rixā, et rumores terribiles in Persia, et uersus meri  
diē, multitudinē latronū: depreſionē religioſorū, et bo  
norū, et mortē, et nimā grādinem, et niues, et de  
ſtruētur plantæ, et maximē ortonum. Si apparuerit  
ex parte Oriētis, ſignificat impedimēta, quæ adueniēt  
Regibus quibuſdam ab inimicis ſuis, quæ erūt cauſæ  
mortis eorum, et renouationis regnī quorundam ma  
gnatum cum multis niuibus, et pluuijs, et ſaluationē  
uinearū, et fructuum. Si apparuerit ex parte Occi  
dentis, ſignificat herboſitatem anni, et abundantiam  
aquarum in partibus Capricorno ſubiectis.

Cometa in Aquario ſignificat mortē Regis in par  
te orientis, et exitum uirorum qui quærunť Regnum,  
et cōtrarietate cadere inter Reges propter illas cau  
ſas, et nimā mortē, et bubones, et leprā, et cādē,  
et pugnā in parte terræ Occidentis, et durare illud  
lōgo tēpore, et tenebroſitate aduenire in aere, et mul  
tū tonitruū, et coruſcationes, et fulmina, et mortem  
pluriū hoīum propter illas cauſas, et paucitatem auīū  
et piſciū, et uilitatem annonæ. Quod ſi fuerit eiꝯ ap  
paritio ex parte Orientis, ſignificat multam herboſi  
tatem. Si uerō fuerit ex parte Occidentis, ſignificat  
multitudinem terribilium rumorum in terra Perſa  
rum, et montanis, et deprædationem ſuper arma  
Regum, et multam celeritatem in terra nigrorum.

X Cometa

130

X Cometa in piscibus significat mortē alicuius plebis & multā cādē in Regibus nigrorū & Aegyptiorū, et hoc propter causas fidei, & erunt prodigia, & Rex exhibet, & cōburet ciuitates, & habebit malū, & erit abusus inter homines, & interficient se religiosi adinuicē, & apparebit paupertas, & pisces moriētur, & non erit proficui in aquis. Et si apparuerit in Oriente, & Sol fuerit in piscibus, erit uehementia in ducibus & principibus, et erunt inobedientes Regi, et tollent censum Regis, et erit timor in multis climatibus, et in fortunium in Persia cum pluuijs multis. Et si in Occidente apparuerit, multæ erunt per hoīes angustiae, & mortes in pluribus climatibus, & præcipuē in parte Occidentis, & durabit annis tribus, & erunt aues multæ & pisces, et inundatio fluminum.

Quū fuerit apparitio aliquarū stellarū comas habētū in ascendētibz radicū natiuitatū Regū aut in signis profecctionū, aut in ascendētibz reuolutionū, aut in signis diuisionis, & præcipuē in ipso termino, aut fuerit cū dominis aliquorū: significat multas angustias, & bella aduenire eis: & erit illud propter causas insurgentiū in eos: & multiplicabitur inuidia eorū, & iniuria in hominibus, et fortasse significat cādem eo-

per illas causas. Et (ut semel dicā) semper metuendum  
est malum. quando in principio eius apparitionis fue-  
rit in signo horoscopi alicuius natiuitatis, reuolutio-  
nis, diuisionis termino, et in signo, qui præest illi ciui-  
tati, aut regioni.

## SECUNDA PARS

IN QVA CONTINETVR VATICINIUM  
super Cometa, qui apparere cepit die 9. aut 7. Nouembris,  
anno Domini 1577. & durauit usque in decimum diem  
1 Ianuarij anni sequētis 1578. eius autē longitudinē,  
in prima apparitione fuisse serūt gradū 26.

### CAPVT PRIMVM.

**S**ummus rex regum Deus, et suprema potestas;  
Fortius, et maius quo nihil esse potest.  
Qui pater est Diuum, qui mundi cuncta gubernat,  
A quo omnis uirtus manat et omne bonum.  
Omnipotens auctōr naturæ, et semper eadem  
Qua fuit, est, et erit, conditione manens.  
Quantumcunque potest ultricem prorogat iram,  
Prorogat et ualida mittere tela manu.  
Immo quum meritas scelerum uult sumere pœnas,  
Cœlitus emittit præuia signa prius.  
Quilibet ut possit lacrymis peccata lauare,  
Et clemens fiat, qui prius acer erat.  
Terribilem iccirco hunc fecit fulgere cometam,  
Quo



Quo rarò in toto tristior orbe fuit.  
 Quumque attollo oculos, uideo et mirabile monstrum,  
 Expauì, et subito uox fugit, atque color.  
 Inde ego priscorum complura uolumina uoluo:  
 Consultique omnes, nil nisi triste canunt.  
 Sumpto igitur calamo sensum cuiusque repono,  
 Quo possit scripta hæc quisque cauere legens.  
 Nam superare potest hominis prudentia fatum  
 Si uenit à summa sede petita Dei.

De uarijs accidētibus, quæ cometa ipse portēdat. Cap. 2.

**I**mbuit & quoniam mortalia pectora flammis,  
 Accenditque animos, in furiasque trahit.  
 Bellicus iccirco furor imminet, atque tumultus,  
 Infantum strages, turpia stupra, necesse.  
 Nequitiae insurgent, obsessoresque uiarum:  
 Nullus in hoc expers orbe doloris erit.  
 Non frater fratri, nec amicus fidus amico,  
 Omnis & ad fraudes ingeniosus erit.  
 Filius affliget patrem, natumque nouerca:  
 Virque inimicus erit coniugis, ipsa uiri.  
 Regnabit uitium, uirtus calcata iacebit,

Humana ergo graues uexantes pectora curas  
Portendit monstrum hoc, & genus omne mali.

De uarijs aeris mutationibus, & de insolitis acciden-  
tibus in hoc mundo contingentibus. Cap. 3.

**I**nsurgent uenti terræ, pelagoq; nocentes,  
Fœtibus arboreis, frugibus, atq; satis.  
Perq; procellosum discurrent fulgura cœlum,  
Atq; Iouis ualida fulmina missa manu.  
Quin etiam terræ motus, quo plurima multis  
Fundamenta ruent, urbibus atq; locis.  
Vix pluuiam cœlum dabit, undam amnisq; negabit:  
Siccus erit puteus, fons, lacus, atq; palus.  
Tum sitiens tellus iumentis læta negabit  
Gramina, & agricolis uix alimenta dabit.  
Tum genus omne hominũ in terris uolucrũ, atq; ferarũ  
Sæuiet in rabiem, damnaq; multa dabunt.  
Insurgentq; lupi pueros, pecudesq; uorantes;  
Rusticus in campis uix bene tutus erit.  
Hæc autem euenient tardè, quæ commemorauī:  
Occiduam partem namq; cometa tenet.  
Temporis hoc spatium quædam miracula surgent,  
Ad quæ certatim gens male sana ruet.  
Cætera quæ euenient faciam nunc missa: subinde  
Namq; dabunt se oculis ipsa uidentia tuis.

De locis

De locis, in quibus cometa suos pariet effectus Cap. 132

**A**STubi se extendāt mala nunc hæc, uaticinabo  
Sint modo fatidico numina dextra mihi.

Sentiet in primis Germania tristia fata,  
Atq; graues pœnas, suppliciumq; dabit.

Impia sacrilego nam læ sit crimine cœlum,  
Titanum insistsens impietatis opus.

Agmina discurent telis uibrantibus: atq;  
Exiget hic pœnas, mœstus at ille dabit.

Funditus euerrent urbes, templa, atq; penates,  
Flectentur nulla numina læsa prece.

Crebra uidebuntur prostrata cadauera: nec non  
Sanguine multo undans luxuriabit humus.

Gallia, quæ læ sit toties hominesq; Deumq;  
Sentiet hostili uulnera facta manu.

Et tu nonne uides, acies tibi Flandria quanta  
Ingruit, ut perdat te, patriam, atq; domum?

Rex quidam besperius mortem gustabit amaram,  
Et populus Regis funere mœstus erit.


Namq; noua inuitus cogetur uincla subire,  
Hostiliq; iugo colla premenda dabit.

Tum quidem erigunt sub remine ralla ianice



Occidua Italiae pars uix euadet ab istis  
 Gladibus, & Capro subdita quæque plaga.  
 Quid multa? apparent quoties horrentia monstra,  
 Prælia portendunt, & genus omne mali.  
 Ergo christicolæ lacrymis peccata lauate,  
 Et petite ignoscat crimina uestra Deus.  
 Culpa (grauis quæuis) donatur sæpe precando,  
 Et crebra ultoris sit minor ira prece.  
 Si petimus ueniam, extemplo peccata remittet,  
 Cuncta & delebit, sint grauiora licet.  
 Sic crit ut nullū sydus, nullusque cometa  
 (Quamuis terribilis) possit obesse tibi.

FINIS.



INDEX EORVM, QUAE IN HOC OPVS CVLO CONTI-  
nentur iuxta ordinem capitum.

PRIMAE PARTIS.

DE stellis crinitis, & primo de ea, q̄ cepit se ostendere circa nouū diē Nonēbris. c. 1.  
 De materia cometæ, & quomodo generetur. cap. 2.  
 De cometis a sepre planetis prouenientibus, & de eorum nominibus, significationi-  
busque iuxta Arabū sententias. cap. 3.  
 De significationes & nomina singulorum cometarum iuxta Arabū sententias. cap. 4.  
 Plutarchi de crinitis, & emicantibus, & trabibus, & alijs id genus. cap. 5.  
 De cometis per 12. signa Zodiaci iuxta Albumasar, & Leupoldi sententiam. cap. 6.

SECVNDÆ PARTIS.

DE Magnitudine, & qualitate cometæ qui apparere cepit in principio Nouembris.  
 anno Domini 1577. cap. 1.  
 De uarijs affectibus quæ cometa ipse humano generi portendit. cap. 2.  
 De uarijs aeris mutationibus, & de insoliteuentis in hoc mūdo cōtingētibus. cap. 3.  
 De locis in quibus cometa ipse suos pariet effectus. cap. 4.

